

《成唯識論疏抄》卷 13：「疏云答此謂不爾亦有文乃至生起之文中亦有非因緣種也者。此中答云。生起因中。亦有業種增上緣也。今亦有論文證云。謂大論第十卷中。問若十二支相望無因緣者。[3]何故說言望無因緣者。何故說言依十二因緣。立十二支因緣也。若依增上緣所攝者。十二支謂牽引生起引發三因。說非有因緣者。牽引因者。即無明及行。名為能牽引。識等五果種子。名為所牽引。故能引所引俱名牽引因。生起因者。即愛取有名為能生起因。生老死名所生起。即五果種子位[已>已]聞名生起因中。即有文中。即有業種增上緣也。故知生起因中。亦有業種增上緣也。引發因者。即通攝在二因中。謂牽引因中亦有引發因。生起因中亦有引發因也。故彼論即為增上緣中。說有牽引生起因也。」(CBETA, X50, no. 819, p. 390, b17-c5 // Z 1:80, p. 364, b17-c11 // R80, p. 727, b17-p. 728, a11)

[3]何等九字疑衍文。